

U okviru obilježavanja dječije sedmice, JU Dječije obdanište „Hasnija Omanović“, sa 2 starije odgojne grupe, posjetila je Gradsku biblioteku Cazin. Ovom prilikom mališani su se družili sa uposlenicama JU „Kulturni centar“ Cazin, u okviru koje djeluje biblioteka. Pričali su priče, razgledali dječiji kutak, a na kraju su im uručene besplatne članske kartice, kojima će postati punopravni članovi naše biblioteke. Time su stekli pravo na posjete biblioteci i podizanje knjiga za čitanje.

„Nadamo se da će im ova posjeta ostati u sjećanju i da će ih potaknuti na istinsko, svakodnevno, kontinuirano druženje sa knjigom“, riječi su direktora Ermina Beganovića, kojima je nastojao motivirati djecu da u knjigama prepoznaju prave prijatelje.

Zahvaljujemo se kolektivu [JU Dječije obdanište Hasnija Omanović](#) na posjeti, kao i mališanima na njihovim uvijek veselim pričama, dosjetkama, kao i poklonu koji su pripremili za uposlenice Gradske biblioteke Cazin.



